

津門雜事詩序

天津郡新而地古禹貢逆河漢書沽水由泉州入海河水由章武入海其地也晉魏以下漂榆津角飛城豆子航諸蹟則又詳矣金置官天津河元建海津鎮明永樂初立衛設官建城郭乃成畿南都會時居其地者不過勛戚將弁卒徒販負而凡維有前朝典故無過而問者萬曆間觀察胡君創為志典雅稱善本今已不可得外史家臆說乃多即如古蓮河或謂在今鹽山或以為在津之中堂窪不知鹽山之河為宋時東流之道中堂窪河形則宋後洩衛水之地非古逆河蓋自禹河南徙



衛水行其故道從直沽颺壑今直沽海口潮日逆以上
白露前海不收水夏秋新漲多壁立或逆行而西以達
河之可証者坐文獻不足乃得逞其斷斷耳西顛遊天
津當置郡三年遊覽所至考訂博而核大小益識而
一寓之于詩以實新邑文獻之權輿非徒為北海風雅
樹大幟而已抑余嘗疑酈道元碣石淪海說辨之不下
數千言閱海門百里句又不覺自怪其聚訟矣東壁吳
廷華

古之名人學士車輒所經徃徃出其才華以發山川之
靈秘草木鳥獸之恠瑰而此邦之風土物宜舊聞徃事
尤喜網羅散佚以成一家言若吳地記桂海虞衡志岳
陽風土記諸書其尤著者也亦有發為詩歌以寫其林
水風物之勝少陵秦州諸什蒼茫感慨獨絕詞場宋元
以來代多名詠大概命意而遠則有闕風教徵据確實
則不惑異一並能垂之久遠而不做其餘作者則等諸
自檜無譏焉徵士汪君西顛編輯天津郡邑兩志具有
體要既竣事將歸武林出所著津門雜事詩百首見示
予愛其文繁理富佩實銜華首紀

皇朝之愷澤繼辨前史之舛譌沿革釐然興替互見間
傳一二軼事亦足以考鏡得失用資激勸非苟焉已也
夫立言為三不朽之一古人以下筆不闕名教不作可
焉世之雕_一言句者率以手艷為能做一生心力窮極
工巧究於世道人心何所_不益甚或遭逢未偶輒作騷
屑之詞以抒其侘傺不平之氣於風人溫柔敦厚之旨
不亦遠乎汪君驚才績學遇合猶遲觀其詩既不浮靡
以悅俗亦無煩懣以拂性和平蘊藉酷似其人風澗乎
正始之音也三津北接神京東濱大海自故明設衛止
修武備而生齒未繁文教未興今者海宇寧謐民俗敦
龐人才蔚起毅明文物之盛迥殊前代非 國家休養
生息涵濡百年之久其何能若是讀其詩足以徵風會
之隆亦司土者之幸也汪君他日讀書東觀携此以備
國史之採錄當與陸范諸公之書並傳即以補郡邑
兩志之所未備焉可也為序其詩以送其行
乾隆己未秋九月桂林弟陳弘謀書於津門官署

詩與史相表裏小史掌邦國之志外史掌四方之志即所謂國史也十五國山川風土人事物產意必太師陳詩而後悉其詳而掌之者惟國史今觀三百篇所載不惟原本山川極命草木而一時朝廷設施閭巷事蹟以及前古之流風餘澤莫不具見故曰國史明乎得失之迹先王使天下風聲習尚如指掌於以美風俗而成教化者此見者古詩之流三都兩京沿此而作以為一方故實至樂府吳趨會吟之類尚彷彿國風遺音焉汪子西顯具良史才僑寓津門修輯郡志纂集之餘為津門雜事詩百首稽核精詳鉅而

國典細而蟲魚卉木有闕掌故者悉具于篇俾後世考
古之士凡墜典軼事他書蒐輯所不及胥于是弋獲焉
網羅放失之功斯已勤矣矧其風調道逸雖誦一過淵
淵作金石不可減古之風歟汪子學極奧博以詩特
其緒餘異日紬書石室紀其方所屬勒成典章以裨化
理追配三代以上史官是編也其為先聲也歟乾隆己
未八月晦日同里弟鄭江序

直沽七十二水發源於狐奴醜渠潞壑環注數縣其南
與河通波北濱大海芟葦贏蟹之利甲於畿甸以形勝
計亦一大都會也閒嘗鬱懷古之情身歷其地無深巖
大谷可以寄瞻眺之用訪求其風俗其地著於此者貴
耳而賤目或則志汰體侈薄雕蟲而不屑為至若賓用
既萃舟車刺促推襟送抱之餘又不暇以搜采為能事
以故津自于于此雅于之壇坫仍榛莽而未有所闢
吾友汪君西顛滯淫是邦載離寒暑有南湖賢令君以
為之囊橐而蒐討有藉有水西查氏以恣其游息而酬
唱不孤參稽地乘溢為聲詩意主於揚厲風騷表章士

女正習俗之譎著土風之異蓋以詩傳事非以事為詩也夫山川寂寥城邑隱賑攬奇紀勝之什遽數不能終物大抵詳南而略於北津門地非阻僻當前脩既陞墜簡就湮之會其緒積數百年而未出西顧一客卿耳一旦抽妍騁秘抉發之而無餘豈非談藝者之權輿省方者之惇史乎力不能家到而戶說是宜大書深刻磨厓石以不朽惜乎此地無深巖大谷可以供碑材也乾隆四年太歲在己未九月朔松里學人杭世駿書

題詞

午晴樓外柳絲絲聽罷霓裳晏坐時誰似先生襟抱好月明露冷譜新詩握槩新成外史書更徵掌故注蟲魚重將好識浮天狀便上神山紀宅廬信天葛正笏海津風月賴平章百首詩成萃衆芳他日輶軒憑入告一時騷雅有錢塘汀花洋柳足婆婆獨少層崖可若何好上丹梯查氏遠望有小丹梯蓬瀛渺接烟波葛沽芳草燦如茵荏苒三年滯軟塵他日明光繁疊處馬蹄輕趁九街春臨安城外鷺濤雄千里湖山一棹通有約水西重到日西施乳白小桃紅玉茗王廷琬

是言
翮羽揚光采。亭明映琅玕。橫絕安所隣。滄溟渤澥寬。天
風迴遠聲。中路清且寒。銜書激虛照。琉璃堆波瀾。幽蘭
別庭草。喬柯植高山。結根良有因。芳菲寂無言。不辭霜
雪欺。豈競桃李顏。振策起長望。綠水搖空連。驅烟出海
霧。雅麤騁心田。懷古契何之。朗吟唯長川。落葉下平林。
秋風際其顛。寒蟬與飛鴻。聲在遠近聞。白雲超吳會。一
往不可攀。漣水程茂
郡邑雖新設。津門故蹟多。輿圖遺采輯。風雅博搜羅。少
海收諸水。秋潮湧逆河。古今人物好。百首付高歌。雪柯
劉文煊

採綴多憑圖史新。次分析未定。天津庶魚庶草。都堪紀
川谷神奇。更海人靈區。風物百篇垂。境擬蓬瀛。係我
思七十二沽。如可汎他年。來補竹枝詞。谷林趙昱
三津志已搜。書庫百首詩。還灑墨。卿我愛槐塘。真健者
神珠屢向睡。龍爭楓溪。余懋樞
滄溟風物拾遺聞。握手先吟冰雪文。能使直沽添景色
學窮三篋。獨車君故園。曾共補圖經。便向縹緗奉典
型。又見津門歇軼事。居然北海並西泠。州府今知建
置新元時。邊色尚黃塵。羌無故寔增奇筆。藉尔紛綸井
大春。千尋玉海。滙星波。網得珊瑚幾尺柯。載向歸裝

是言
供賞識一編相索解人多石帆周長發

款歎乎哉惟天席地拓丈室於八紘餞往賓來轉雙九
於一瞬是以經遊瀾滙撫暮景而如疑繼珥貂瑞感涼
颺而欲訴雖曰棲神域外因知造物之奇抑亦插脚塵
中始識居家之樂所貴升高能賦觸械成詩凌暴風雲
賴孟郊之苦語鑄錢金石須韓愈之豪才揚子雲握槩
懷鉛五方並輯左太沖徵文考獻一紀乃成是皆意氣
遨騫襟期朗散攬有情之世宙其可無辭扁不朽之名
山而誰與語況乃鬱葱佳氣誅蕩高閭涿鹿塵清星旗
淨掃盧龍水澗畫鷁橫飛展風日以酌衢尊撥煙霞而

辨石鼓山邊雪片解學我之廉豪市裏酒徒宵憐人之
急難斯則汪子百篇所為作也嗟夫年華易逝才命難
兼三刑足以何傷十上書而未屑縣齋句好我輩何顏
春草吟工誰人不識清尊紅燭多在悲歌慨慷之場暮
雪晨雞無非甲乙丹黃之役碎珊瑚以架筆鏤玳瑁以
裝書曰近長安音遐空谷掛冠徵士未忘朝天賣藥仙
人終能縮地才者重雲霑霽坐掩蟾光一雨淋漓行摧
菊蕊十六州煙霏萬狀腕下平吞三千里歌管扁舟籠
中傾吐直恐南溟大鳥遂息意於鼓鐘可堪東海鰻魚
徒拜恩於烟水然而松蘿低舉飛蓋斯存谷鳥喧迎鳴

駟何待綰泉紳之脩潔佩石劔之軒昂窄窄烏巾豈有
束躬禮數飄飄霍瑩曾無拂面風埃臣不如人卿宜念
我頭惟欠白曹騰四十行年眼自常青寡落二三知己
墜樂惱還鄉之夢征鴻繫將淚之書入手微名換却堂
堂歲事出山小草拋殘灑灑湖光故知隱或在朝直荒
唐而難信仕猶兼學六勤苦而無功辱賜封題紛勞感
激鑄金座右觸風雨以神來打鼓津頭挾心魂而飛去
句山陳兆崙

同游三載挾飛仙最愛清詞字字妍一邑舊聞勞撫拾
百篇新咏喜流傳欲携譜去調絃管行採風來入史編
莫戀西湖烟水好玉堂雅奏待如椽七峰周焯
海上華區燕南繡壤雕談妙辯難摹狀吟壇有客澧新
聲百篇譜出推無兩錦爛鮫宮珠明龍藏朝來競向
闌窻賞衡陽紙價近如何尊前好聽雙鬟唱調寄踏
莎行月樵余尚炳

酒痕午夜蘸襟多黑堡城頭月似梭願乞離堂十日住
百篇都付雪兒歌 往籍烟沉不可求勞君掌故費冥
搜他年省識經行處欵枕風軒當卧遊淺山趙賢
雍奴舊壤偏壯雄風渤海之間依然都會絳宮明滅控
遠勢於蓬萊滄嶼縱橫渺重波於碣石津延析木地觀

河宗抱北斗之高城光連紫極嬾西京之三輔宅近神
臯況乎都尉旌旗水犀映雪司空畚鍤竹桃連雲畫圖
則景勝新林樂府則歌傳估客問莫愁之渡楊柳藏雅
登華子之岡茱萸成汎江東才子投履爭來鄴下詞人
停車不去吾友槐塘尚書筆札未凌司馬之雲海國烟
波偶躡邠原之屣臨河弭節擊物長吟非惟託興于山
川何假登城以眺悵從風咳唾忽得百篇落帛雲霞俄
騰五色體乃兼乎騷賦事足備于圖經魚字堪呼既如
尔雅蠓螿若礪寶驗周書荆楚歲時之記咲宗慄之無
才益州異物之銘知宗祁之遠謝貽諸好事當從得意

而傳流入中邦定貴兼金之價瑤臺齊名南

白河東下水盤紆囊錦新開大直沽劈地口南羅每藏

二千八百夜光珠如意舟新蕩碧漪春風潑面解催

詩倒殘一斗麻姑酒楊柳青邊譜竹枝水西主人
有如意舟念持姚

世鍊

瞿塘春水隋堤樹半屬楊枝半竹枝爭似槐塘新樂府
自傳燕筑付紅兒松山黃祐

直沽風景年年好懷麓堂詩遠擅場愛爾百篇凌八詠

明珠一串壓歸裝明李東陽有天津八
景詩載懷麓堂集虞衡桂海詳方

物者舊襄陽錄逸民不及槐塘街上客別翻花樣墨痕

題同

新 蒐奇補俠推詩史莫作模山範水看他日輜軒如
採取圖經重付棗梨刊蓮坡查為仁

畿南名勝問而今掌故誰能傳述冷落百千年裏事一
手荆榛獨闢姓籍烟沉殘碑蘚斷費盡搜遺力新編排

比真成珊瑚遙擲 應念獨客三年閩經細補餘興搖
吟膝沾水東西七十二自滌君家華筆健挾河聲雄吞

海色括取歸囊篋角飛城外幾時同話游歷 調寄念
奴嬌對鷗陳舉

地富魚鹽好卜居士風編緝創成書開吟更与添詩話
百首新辭補志餘 濁漳清濟滙通津都邑繁華聚五

民檢點盡教成韵語采風他日付道人 別來佳句滿
奚囊篇什封題遠寄將不獨圖經譜列宿展看詩筆燭

天潢 單棹曾來及暮秋訪君悔不久淹留而今那用
移舟楫一燈新詩當卧遊金門金文淳

先生舊是西湖長覽勝閒遊沾水湄滂道水經添注盡
更留餘藻譜新詞泰瞻趙松

百首新吟傳誦遍清光歷々抵冰壺他年好事摹詩意
補作津門屋邑圖 手紀一編稱信史更搜風雅入瑤

篇薊邱別有堪吟處未許琴書枕小眠小眠西顯所居齋青莎姚
立德


移家西潞幾歲秋風度篆水樓前雙白鷺猶認當年來
處 城邊舊事輸君閒窓網遍遺文昨夜壺盧魚上吟
聲吹到河濱 調寄清平樂吳齋胡磨烈

天津城東秋水消浦淺沙平生暗潮潮生不礙夜船過
明月如霜吹洞簫就中有曲清於玉示是汪倫新製曲
百年耆舊一城烟星斗離、碁在局憶昨別君沽水西
水西楊柳千枝低黃姑魚長罾還瘦紫芥花繁擷未齊
江南歸去清波順梅雨連村書屋潤綠車停處女桑稀
秧馬忙時大麥盡却憶津門此日長疊符爭門絳紗囊
梨名香水應先實瓜蹄高面得早嘗

二物皆天津所產

欲賦新詩

詩故里迢迢遠夢隨烟水誰料南湖十幅帆秋來重向
津門指白雁成羣候已深銀鈴小菊綴疎林把君詩卷
千番讀忘我他時挂馬吟普陀寺北寒風發遠浦凝冰
沙露骨我正來時君又歸繩床誰共玻璃滑宛轉雙梭
織歲華試燈時節又等琴檀痕競劃新番譜不唱年年
倒採茶柘坡萬光泰



是言

入

津門雜事詩

錢塘 汪沅 西顛

桃花寺外桃峯樹春去猶迎鑿輅開莫訝天公機杼巧
紅雲要護翠華來

聖祖仁皇帝御製前過浙江桃峯已放今回鑿至津門
淺見桃花盛開調寄點絳脣詞再見桃花津門紅映
依然好回鑿終到疑似兩春報錦纜仙舟星夜照
辰曉情飄渺艷陽時媚不是垂楊老 桃花寺在城
北二十里

下杜鶯花二月稠白頭父老感 宸遊承恩不獨黃衣
貴親拜天厨出鳳舟

天津為三輔重地屢邀
駐蹕康熙四十四年

聖祖南巡舟次揚青驛道旁士民咸賜克食

朱欄粉堞切雲端如練河流繞郭蟠兩字衛安頌 睿

蓼從今不數賽淮安

天津城歲久傾圮雍正三年重葺西門衛安欽定名前明衛城永樂間工部尚書黃福平江伯陳瑄等築時稱賽淮安城

天津名自長陵錫三衛新軍駐羽旂却恠後人多傳會

紛紛耳食是耶非

明成祖永樂二年設天津三衛始有天津名按天津本閩名在良鄉北戎云永樂設衛後因將天津閩名移直沽靜海志云金史有天津河故云成祖駐蹕於此因名姚廣孝謂女宿上有天津九星占應小直沽以此得名

海津作鎮劇蒼涼七姓殘元始啟疆為問咬兒同朶罕

阿誰數典不曾忘

元史延祐三年置海津鎮於直沽舊志稱天津初心七姓李咬兒只朶罕皆設衛時所徙官籍

豆子甌邊夜射魚潮痕初上柳風疎千年劉格菱夷後

金鏃猶耕山廢墟

地理今釋豆子甌今鹹水沽隋書豆子甌負海帶河地形深阻大業七年劉霸道聚眾於此與紀要大業十二年賊帥格謙據豆子甌稱燕王王世充擊斬之

三方列戍儼星羅安不忘危 廟筭多新試水犀非耀

武太平久已息鯨波

天津地當少海西限萊登遠陽左右相望向設有總兵營以為犄角雍正四年復置水師都統營於

明朝三衛子弟並習武備設有武學
國朝政府設縣以後人文蔚興

藍田雨過稻花香吠蛤聲中趁夕涼喚作小江南也稱
僧衣一帶抱迴塘

藍田在城南五里康熙間總兵藍理所開水田也
河渠圩岸周數十里名浙間農人課種其間得田
二百餘頃車肩之聲相聞遍野上人跡為小江南
云今燕

水毀金穰青偶逢 帝籌艱食拯三農北倉倉外思如

海一派懽聲徹九重

雍正二年 詔建倉廩若干間於天津北倉每遇水澇截留漕糧數
十萬石以備賑賑窮黎騰飽如履豐年

聖德懷柔感百神洪波靜晏不揚塵兩朝 御墨酬庸

重席卧龍跳轟翠珮

天津舊有海神廟康熙雍正間屢加修葺

聖祖 世宗俱頌 御製碑文靜洪波所賜廟額也

標楯頻乘度土功嘉禾雙穗報年豐議勲自合崇裡祀
不為天潢私翦桐

賢王祠在三岔河口香林苑側中祀 怡親王雍
正十三年奉

勅建先是三年 賢王承 旨查脩畿輔水利奏開滄州青縣減水二河并各建滾
水石壩由是衛河入直沽者其勢少殺四年復奉
命營田天津賀家口何家園白塘口葛沽泥沽等處共
營成稻田六百二十三頃八十七畝逾年所營稻
田或一莖三穗雙穗不等特疏進

呈

邊布京山握筭忙如椽蠟炬照堂堂繡衣自徙當城駐
冠蓋通衢遍五綱

長蘆鹽法志邊布之名昉於宋雍熙開其法募商
輸芻粟塞下而官給之鹽明代循之是曰邊鹽成
化六年御史林成以深州等十三場陸路寫遠商
人不支鹽課遂致鹽堆積請自本年為始每鹽
三大引合為四小引共重八百餘折瀾白布一尺
議價三錢是曰布鹽此邊布之所由名也京山者
前明京山等十四藩府每年各給鹽若干每引折
銀若干
國朝蘆鹽定課額因其舊例數日徵收因名京山長
蘆巡鹽御史署內在
京師宣武門外康熙二年御史張冲翼始移駐天津
之河北門外萬歷法志明初分商之綱領者五曰
浙直之綱曰宣大之綱曰澤潞之綱曰平陽之綱
曰蒲州之綱曰宣方與紀要當城在楊柳青北即宗
當城砦

東王公宅冷斜曛斑駁蒼苔掩甃紋尚有鬼神訶畫棟
奎章曾揭卧松雲

明御馬監王之俊入
國朝為乾清宮五殿總督家天津兼時都人呼為東
王公以別於司禮監王承恩也康熙二十四年
聖祖幸其第賜有卧松雲匾

天后宮前泊賈舩相呼郎罷禱神楚穹碑剔蘚從頭讀
署字都無泰定年

元史泰定帝本紀泰定三年八月作天妃宮於海
津鎮此則天津立廟之始舊志及碑碣皆不詳
秋草離離魚化橋科名盛事記前朝一枝仙桂重攀掇
赤鯉蘭舟潑刺跳

魚化橋在舊衛學泮池上明成化乙酉有雙鯉躍
過是年劉鈺衛林同領鄉薦故名
雍正丙午金

第一 庶子相入都秋試逢次有鯉躍入舟中是年發解

三千蒿筏幽雍奴白浪青燐裹甲驅太息筍溝依舊綠
蔽天鳧陣起菰蒲

舊唐書至德二載正月李忠臣以步卒三千自雍
奴為蒿筏過海遠史地理志水經四面有水曰
雍不流曰奴按方輿紀要雍奴合於直沽入海一
名筍溝水

富家邨並巨家莊往事無稽墮杳茫傳信傳疑多臆說

呂彭城蹟異軍糧

天津衛志富家村在城南二十五里俗傳漢孝子
董永賣身為親家河間府志巨家莊在天津城
南二十里為巨無霸故里幾輔通志呂彭城在
縣西北二十五里相傳呂布彭越屯兵於此故名
屯糧之所一云劉仁恭所築

席旅雲屯脫練袍唐皇曾以駕征艘癩僧不省興亡事

自補袈裟擅禱禱

慶國寺俗名掛甲寺相傳唐太宗征遼掛甲於此
見明劉子中碑記

中春積雪一灘明好趁東風蕩槳行試問熬波人在否

暝禽啼上角飛城

水經注趙記石勒使王述煮鹽於角飛城 角飛
城即漂榆故城在天津府東

浣俗亭開十畝池傍池雜樹帶花移軟紅百丈都拋却

清絕吾家金部詩

汪必東崇陽人正德十一年由戶部郎中出任天
津戶部分司構有浣俗亭賦詩云十畝清池一壘
臺病夫親與剪蒿萊泉通海汲應難涸樹帶花移
去漸開小借江南留客坐遠疑林下伴人來方亭

曲盤雖無補也稱繁曹浣浴埃

鳴茄疊鼓爭調馬小隊元戎簇射堂最是看場人散後
滿：暮雨冷菰鄉

演武場在城西三里營鎮多較射其地旁為漏澤園

駸駸高閣接青冥甲乙籤排貝葉紅靜倚闌干看落照
忽聞天半響風鈴

舊古寺有鐘樓一名鈴閣其時西郭可供遠眺康熙中釋金光重葺竹垞檢討為記見曝書亭集

道人降筆小游戲六草三真妙入神不用石榴皮作字
家：屏幃墨痕新

張某江南人字天津扶鸞得席卦道人自言工八法流傳真蹟甚多

元日晴光畫不如靈慈宮外門香車琉璃瓶脆高擎過
爭買朱砂一寸魚

天后宮舊名靈慈宮歲朝閨人咸走集焉宮前有鵝小紅魚者以琉璃瓶貯之

綵繒葉：接檐牙子夜風吹蠟蕊斜百病踏殘歌吹冷
長街拾得七星花

津門燈市繁盛遠逾別郡上元日閨人夜遊名踏百病七星花津人新製步搖名

河東河北結長緹連臂來看草把燈繞盡黃河剛九曲
蛭脂焰吐一層：

草把燈築場數畝縛草為之高下然炬如畫中盤旋可十餘里遊者每迷所出按曰下舊聞載有

黃河九曲燈即草把燈也

落燈風過寸旬日卜取豐年碌碡場方約羅灰同打囤
又呼布穀共填倉

津人於正月二十五日羅灰於山作囤形名曰打囤中置穀少許曰填倉為豐歲之兆

冰泮河干一水通家々糠末引錢龍爭教煎餅靈辰會
顛倒翻移明庶風

二月二日邑人於通水處以糠穀末引黃龍至家名曰引錢龍是日食煎餅張功甫桂隱百課人曰作煎餅會

打色去趁曝經會乞食來尋鍛磨齋自咲頻年行脚慣
僧寮著破筍皮鞋

六月六日稽古寺作曝經會

洋菊風前萬蕊攢鶯翎雀髦大於槃登高若續花糕宴
不摘東籬白牡丹

津門近植洋菊數十種花朶穠艷迥踰凡品移根不變鶯翎雀髦皆洋菊名天津衛志菊花有娃娃面自牡丹等名

少海東環斥鹵區空倉翔貴米如珠殊恩 特詔弛洋
禁齋樹雙椀出大沽

天津地介少海左盛京右登萊邑介南北之濱土瘠民貧兩賜偶愆每恃二處米石相接濟乾隆元年狼山鎮以閩粵大洋請嚴偷運之禁時部議內港近地仍不在禁例而天津少海未有明文山海關將軍等稟行查禁二年夏旱秋霖兩麥歉收前制府李敏達公及總鎮黃公准天津朱南湖使

君暫通海運條議先淺具題奉
旨俞允百萬飢氓並敵康阜矣雙桅單桅海舟大小名
大沽口河流入海處也

宜亭如笠倚斜陽堤上青青柳萬行為囑行人莫攀折
長條多是召公棠

宜亭在城西演武場月堤上康熙間朱觀察士傑
建繞亭夾植楊柳行者忘暑今廢

非驢非馬骨權奇昂首高沙嶺下嘶殺賊未能捕賊
棧前宵尚戀枯萁

鹽山王某客寶坻一日挾贊宿天津海口早行至
高沙嶺為盜所殺所乘贏急走舊旅店以首擊門
若訴冤者館人未悟也幸置庇中悲嘶不食旋躍
出戶奔至尸所遂得王某見殺狀聞之官捕盜而
真諸法

呼許呼耶銜尾行千橋玉粒貢神京若為少惜東南

力酸棗林邊買犢耕

元史武宗紀至大三年市川牛農具給直沽酸棗
林屯田軍

舉足秋鷹平楚颺居庸不憚驛亭長肯教作伴還鄉里
那學壺公縮地方

翁山文外王義天津人其行也嘗自天津至居庸
一日來往八百里因號八百里人身瘦小不多食
飲惟日噉二麥餅脰毛長二寸許舉足秋鷹頃之
滅沒每當平沙曠野欲心則直奔一樹以兩手抱
樹其神乃定抱樹不牢則兩足又踏空馳去矣

三河古砦名三女遠宗中分帶水間誰道版輿淪朔漠
祗憑天塹瓦橋關

宋史地理志清池有泥姑乾符巷姑三女小南河
 五若政和三年改三女曰三河方輿紀要三女
 唐即今小直沽按宋史地理志謂宋理漢
 契丹之舊惟燕雲十代史周世宗顯德六年三月甲戌
 北征四月然揀五辰取乾寧軍辛丑取益津關以爲
 州癸卯取瓦橋關以爲州五月乙卯取瀛州
 則已復一軍一州又據九朝編年備要宣和五年
 方以宋史之誤也六州志謂金人滅契丹以燕
 及涿易檀順景蓟六州志謂金人滅契丹以燕
 改燕京爲燕山府蓋武清至是始歸則其初遼宋
 分界常在武清清池之間宋史河渠志載王亞謂
 海口闊六七百步深八九丈三女若以西潤四百
 步深五六丈此天所以限契丹也則直沽海口爲
 遼宋之界明矣

幽蘭夕萎芸書閣缺月秋寒殘夢樓留得玉臺詩本在
 不教謝女擅風流

芸書閣詩集子友查蓮坡室人金氏遺稿也金諱
 至元字舍英詩格清拔孤秀不墮粉黛習氣濟南
 趙秋谷宮贊爲序以傳平樂府知府佟鏞配趙
 氏二十六而寡獨履一樓惟耽吟詠有祀竈及題
 邊塞圖二詩爲世所傳晚跡殘夢主人因以名樓

柳綿脫盡水初肥雁齒紅橋指錦衣七尺烏篷三尺篠
 榭愔愔底望忘歸

金吾橋舊錦衣衛橋也在香林並側垂楊接岫遊
 人多釣於此

穀雨才過芒種前魚腥入市不論錢眾師未識江瑤柱
 絕倒訛將海刺傳

近海產江瑤柱土人呼爲海刺

一剪漳蘭溽暑消十千索價不嫌高洋船更載收香鳥

試燕龍涎銀葉燒

五月後洋艘抵天津炎方花鳥無不屬集

驛路垂楊色乍勻
丝丝如織拂河湄
曾來只欠蘼蕪綠
五字空吟潘舍人

楊青驛舊屬武清旋歸靜海今隸天津長安客話楊柳青地近丁字沽四面多植楊柳故名潘舍人李緯詩客路蘼蕪綠人家楊柳青

惹烟籠月影檀欒繡
野籜前竹萬竿寄語錦
網來歲脫
莫忘燒笋鬪春盤

津門少竹水西莊繡野籜前後栽竹數畝亂葦鬱深翠不減江南

重紅複翠接村畦
比屋都居花太醫
劇愛小園蜂蝶鬧

籃輿日日掛偏提

小園村名在城西與大園相隣居人皆以藝花為業

河東屈曲水拖藍
五五三三燕子龕
好是一層樓上望
遠帆如鳥屋如蚶

河東佛寺頗多一層樓在大悲院後

秋漲黏天迥不分
青蒲獵獵水沄沄
一坏知屬陽侯護
剪斷銀波四烈墳

秋霖決旬積潦滿望獨四烈墳孤峙水中不沒四烈者陳諸表金四氏也

麦田刈得壓車翻
餅餌風吹香滿村
何處午涼堪鈿馱
青帘斜飈小黎園

壓車翻靠山黃水裏紅俱表名見河間府志 小黎園頭在邑南

螺黛無緣接望間幾年飛夢繞孱顏
夸娥若解憐岑寤
丁字沽添朶朶山

天津四境無山

花天月地門觥籌占盡春風紅
墜樓今日重尋園一畝
燕泥無賴浣簾鉤

紅墜樓在一畝園魯菴張氏別墅

樓頭艷雪瑩於玉每課新詩到日西
不及尚書有貯貯
白楊作柱背燈啼

佟鉞字蔗村長白人家世貴顯獨脫履軒冕放情詩酒山水間僑居津門西郭外妾趙氏字艷雪色

藝兼擅築樓貯之名艷雪樓鉞早年詩學蘇陸一變而入大曆貞元之室惜稿散佚無傳矣

入室渙洋詩弟子六歌聲價六街喧
誰教渴奠棠梨下
腸斷西風温序魂

徐蘭字芝仙紹興人後家常熟暮年綠事謫死天津著有出塞詩及集唐蒙古象棋詩六歌極為新城尚書賞譽

誰似七峰居士好堆牀金薤觸琳瑯
橋亭卜硯新藏弃
玉帶生宜呼雁行

周月東焯號七峰藏有橋亭卜卦硯一尺餘廣五寸宋謝文節公物背有程雪樓銘

吾愛詩人張笨山帆齋高卧屋三間
阿兄枉自稱豪舉
垂老何曾得遂閒

張笨山名靈字念藝工詩古文帆齋其讀書處也
霖字汝作官福建布政司承使之盛甲於津門
構有問津園及遂閣堂晚年被劾破家

千年魚腹恨難消想像金支踏暮潮回首麗春松兩樹

夜深風雨撼靈濤

明江西廬陵杜氏女名應春隨父宦遊過天津陸
水死女工詩生時於卧閣前手植梓松二株既歿
母思女不寘因呼松為應春土人言女死後時出
水面華裙織鞋如世所畫洛神狀後又降乩自言
始末甚詳并出海天詞十首和蓮坡賞菊詩二首

湘公禪菴清無敵語帶烟霞自卷舒壓架葡萄延舊綠
草堂人去渺愁予

釋湘南名成衡嘉興人工詩畫著有一笠詩集前
菴草屋在寺西偏

臥松閣畔秋蛩絮慎雅堂前暮雨繁欲喚詩人魂不起
蘧聲悽絕老夫村

卧松館笨山張氏別業慎雅堂艾梁梁氏舊宅老
夫村舊名寧園後為東演龍氏別墅三君皆津門
詩人今得見者惟龍氏王紅草堂集

摹印昔年數李老窺輒蝸區析秋毫有時謝客還自秘
不是解人不奏刀

李劍字所其辨勉庵文安人流寓天津工摹印性
孤介有不當意者雖千金不應也

東海聖人矜獨步磨丹漬墨秀才村縱教桂子落墳上
仍是清明一品孫

相傳曩時海下無讀書者數十年來補博士弟子
負者惟鄭某一人俗稱曰東海聖人

麻衣如雪泣松楸丙舍天寒曉血流墓外雙頭荷早謝
鄰人猶指舊虛舟

宋舊山名真儒江南蕪湖人僑居天津視死虛墓三年過者無日不聞哀號也墓前池內荷開並蒂人謂孝感所致虛舟墓旁屋名

出函踣跚人立啼前身傳說孝標妻艾緞知是臙脂虐

姑婦堂前湯勃谿

康熙丁亥二月晦日民家有承產一物人面豕身傳為悍婦所化

霍去緱山杳不還乘雲知控紫烟班聳肩舊說清吟苦

抱甕園中獨閉關

道士王聰字玉笈號野雀住香林苑能詩画抱甕園若樓居玉笈山房並在苑中

美老來儀江彈碁品第一柳維新浙朱錫邑江繪事技

殊工黃圖他日編方技掌錄人才半寓公

二人皆流寓天津以老

百貨璘璠列肆排錢刀袞袞市成霾南風一夜漕船集

越缶吳甕壓滿街

生子何須拜塾師居奇只唱耍孩兒清時特重三風誠

心力拋殘等刺脂

津邑窰人子每命習唱連相詞一名耍孩兒新例禁止漸成廣陵散矣

論斛量珠買翠蛾佛妝新樣直沽多花船南北分裝去

半入漳河半潞河

開山傳說割梅岑散白毫光有百尋迎得金沙馬郎婦
果然隨處湧潮音

海光寺初名普陀未建寺前夜有白光高燭數丈
京師萬善寺延致隨處潮音
聖祖所賜額

放眼危闌眉宇掀雞鳴萬丈碾朱輪扶桑待擬排雲去
抗手相迎有羨門

望海樓在海下傳觀日出最佳

門外河流燕尾叉門前楊柳萬行斜拾遺分取雲孫住
從此村呼小浣花

浣花邨在城西五里前臨大河杜氏所居

宋元墨妙貯千幀溢自古香散客襟沾水草堂風日好
自攤書譜硬黃臨

沾水草堂麓邨安氏別墅今廢麓邨蓄書畫極富
唐孫過庭書譜墨蹟以三千金購得之重摹上石
其氣不失象黍陳香泉太守為書釋文一卷附錄

出郭嬉春花事繁康園寸過又懷園二分脩竹三分水
畢竟終推攬翠軒

慕園老人構園城西踰水西莊中有攬翠軒枕谿
廊數帆臺候月舫繡野籜碧海浮螺亭稿香榭花
影庵課晴問雨諸勝康園在城外東南隅今歸
牛氏名南溪懷園王氏別業城東五里

吳綾灑遍湛園墨姜編脩越紵歌殘秋谷詞趙官贊
有蓮洋老徵士吳垂虹榭上日題詩

西虹榭在張氏一畝園張氏傾賞結客前輩若梅
定九朱竹垞查初白查浦朱字綠及姜趙諸公咸
主其家時人有小玉山之目

淳泓七井何年坎擔水人憐頰兩肩爭似楊家岑畔住
煮茶日汲馬蹄泉

異泉井甜水井文井兩山井雙眼井總鎮署井普
濟庵井城中七井也俱廢馬蹄泉在楊家岑沙
陵旁深尺許周二丈餘甘美可飲

宗分北秀與南能不見瀛壖傳一燈除却草堂開白社
緇廬半是啞羊僧

大悲院釋世高與梁苴梁佟蔗村龍東漢張念藝
黃六吉諸前輩共結草堂詩社

叢祠金碧俯河流懾伏天吳駕赤虬五月新坨人似蟻

船船簫鼓心元侯

小聖廟在河東鹽坨祀海神平浪元侯俗傳神姓
滕諱經每年五月初旬遊人傾城而至

設險曾傳遏颶風七臺環峙海門雄而今王會通重譯
零落旌竿夕照中

郡城外環列成臺七座傳為前明嘉靖時防倭而
設

自昔名園闕盛衰免葵蕪麥重徘徊李家樓閣吳家樹
過眼風花付劫灰

李家樓閣吳家蔚誰道君園尚不如沈通政一換
過問津園句

葦甸波光晶晶函荷花荷葉送秋帆月明便合拏舟去
消受香痕上葛衫

菖甸荷花爛如雲錦

葛沽吹老杏花風草長鶯飛樹蔚紅可惜城中人不看
年年冷眼讓鳧翁

葛沽杏花極盛淹滯三年未一寫目

不櫛書生不畫眉傳來艷絕海棠詩若教玉秤稱才子
壓倒樓頭舊婉兒

閨秀許雪棠過時不嫁工詩文闕不示人傳播人問者惟十月海棠二首而已

彷彿魚梁競渡喧行人爭入帶河門市樓次第明燈上
飛盡羣雜烟水昏

天津城東西北三面瀕河各建浮橋帶河北門名

有竹幾叢一庾信芳蘭夾徑擬羅含城中不少連雲第
可有清間似屋南

蓮坡第季新闢小園於道南顏曰屋南小築夕膳晨羞以賦白華之養午晴樓花香石澗之堂送青軒小丹梯玉筵亭若查讀畫廊月明揮笛蔓萱蘇徑皆小築中勝處也

春網家家薦巨羅鮓魚風味可同科樽前也有淵材嘆
縱說騰香恨刺多

畿輔通志巨羅魚一名騰香魚細鱗多刺天津出

鷓鴣盤子小於萍販得鮮回盡入城青鯽白蝦充饌好
登盤須遜女兒煙

裙帶蛭女兒煙並產泥沽葛沽寺處

生計惟憑舊釣車魯魚網罷網羊魚更臨葦岫烹回網
便嗽西施乳不如

魯魚羊魚並出天津見畿輔通志回網魚不受
釣餌遇網即回漢人以义得之味腴美蔚水族俗
訛細鯉

故人多感促南轅旅味緘書僂指論二月河鮑十月蟹
兩般也合住津門

天津衛志津門蟹肥美甲天下蘆芽茁岸河鮑
歷擔皆是長安貴人每急遮致之

水月池邊啼夜烏舊遊如夢總模糊三更被酒城南路
記買橋頭巨口鱸

水月池也在城南水月庵旁城中有水窪五畝其一
也志局向設校士館適當其地三更買鱸紀一時

酒豪會飲八人落落若晨星矣

沙虹作對大盈尺汐水初平撈滿簾方物年年充驛使
也隨東鰈與西鷄

沙虹鰈名天津近海產對鰈大者踰尺

小圃金錢摘滿筐夜闌聞雨滴糟牀酒痕莫惜通身浣
好借當筵太保黃

天津市酤多以菊名太師黃太保黃俱菊花名
見天津衛志

紅白雙翎競羽翰雕籠深鎖避人看上林料止珍禽貢
枉費黃金作彈丸

白翎紅翎皆雀類並產天津

拆拆洗洗燈下鳴紅閨嬾婦中宵驚漂榆城畔秋意早
故園刀尺空含情

拆拆洗洗秋蟲名啼聲似之

鞋紅歐碧色相兼鹿韭雙株高倚檐彷彿南泉精舍見
當堦一朶手重拈

寶林庵牡丹兩株長逾尋丈

出水新荷颭蕊枝蘭襟孤負蘸青泥海鷗小譜回環讀
怡悵重來杜牧之

濟南趙秋谷宮贊函客天津多北里遊著有海鷗
小譜皆記所過也蕊枝才色對儕軍官贊有新荷
出水飛鳥依人之目又有贈蕊句云如何兩度臨
滄海不見青泥蘸客襟

梧桐葉葉無吟秋雲影如波翠欲流風月直沽空自好
阿儂不減一分愁

直沽風月可消愁明朱晞顏客津門句也

班班車子入河閒踈路應知一破顏惟有吟場忘不得
尹見灣接信安灣

方輿紀要尹兒灣在城東信安灣在城西北
尹兒灣即今北倉左右方輿紀要說似誤

水經山誌費爬羅耐爾零編蠹簡何儲說暫留添掌故
湯勞譜入竹枝歌

言之合乎人也不獨雕刻衆形賁一時觀聽蓋將搜墜
棄之簡訂疑似之編而後所咏所歌有所繫以為重家
查浦老人嘗作燕京雜咏百四十餘首其間繁稱博引
不惜演迤其詞而開卷數章于黃金臺紫濛川諸處尤
深致意蓋知訪古憑今最重者時地之大而為歲華紀
譜蟲魚作牋猶後焉者也汪子西顯來海津館予香
席吟咏之暇時為部外游凡所見聞悉以詩傳之三年
紀雜事有百其言自碣石東淪大河南徙夾右北播之
蹟益湮直沽非古局久矣然酈道元注水經尚傳天橋
柱之舊宋志河渠多載北流遺跡典故不可沒吾亦竊

比之云爾蓋其用意與查浦老人同而其諮詢之難網
羅之不易則又百倍于燕京者也西顛家西湖今歸將
卜居卷塢余亦志西湖久擬築一廛于湖側時從之游
數百年來婆留開國之基建炎偏安之地城郭不移山
川如故西顛其又當一一告豕也乾隆己未重九後一
日榆堡查學禮